

Q. F. F. Q. S. 20  
DISSERTATIO GRADUALIS  
**SENSUM DICTI,**

Luc. XVI: vers. 16.

ERUENS,

QUAM

*Consensu Ampliss. Facult. Philosoph. in Reg. Acad.  
Aboënsi,*

Sub PRÆSIDIO  
VIRI MAXIME REVERENDI atque CELEBERRIMI  
**D:NI ISAACI ROSS,**

S. S. L. L. PROFESS. Reg. & Ord.

FAC. PHILOSOPH. h. t. DECANI Maxime Spectabilis,

*Publico Candidorum Examini, modeste submittit*

STIPENDIARIUS REGIUS

**PETRUS N. BOLENIUS,**


SMOLANDUS,

IN AUDITORIO MAJORI DIE XXX. JUNII.

ANNI MDCCLX.

H. A. M. S.

ABOË, Impressit DIRECT, & TYPOGR. Reg. Magn. Duc.  
Finland. JACOB MERCKELL,



ERUBENS

S. I.



Uo tempore Servator noster  
in secula benedictus in terris  
versabatur, præter cæteros er-  
rores, duo in primis opinionum  
monstra plerorumque mentes  
inter Judæos occupabant, immo  
fascinabant: *Unum:* Posse homi-  
nem legis Mosaicæ (externa scil. & viribus natu-  
ræ præstanta) custodia remissionem peccatorum,  
gratiam DEI ac vitam æternam confequi. *Alte-  
rum:* Divitias, honores & commoda quævis tem-  
poralia signum esse favoris Divini, quo, qui stu-  
diosissime legis & Prophetarum præcepta observa-  
rent eoque dilectissimi DEI Filii essent, jam in  
hac vita forent mactandi, qui & ipsi post deposita  
mortalitatis exuvia majorem reliquis beatitatis grā-  
dum in regno gloriæ sibi spondere possent. Hinc  
porro ultro sequebatur opulentos supremo Numini  
gratiore esse, quam inopes & miseros. *Huc per-*  
*tinet*

tinet Maimonidis effatum: Rabbini nostri ajunt, non habitat Prophetia nisi super homine Sapiente, potente, divite. Origo erroris, ut conjicit Mosheim de paupertate mentis §. 14, fuit iniqua de natura cultus divini opinio. Victimis namque & sacrificiis DEUM delectari & revera placari censebant Judæi. Itaque, cum opibus præ reliquis cumulati crebriora & pretiosiora ad aras munera afferre possent, ideo his DEUM magis esse propitium & beneficium suspicabantur. Posterior hocce dogma divina gravitate oppugnat CHristus imprimis Lucæ XVI: a v. 15. ad finem. In qua pericopa, cum versus 16:us interpretibus non videatur nodis carere, placuit in eo enodando vires, utut tenues, bono cum DEO experiri; Tuum vero interea L. B. expetimus favorem, velis conamen nostrum initi perstringere censura.

## §. II.

**C**um inter Magistros artis interpretandi, præsertim eos, qui ad sacra Oracula exponenda præcepta sua accommodant, conveniat, multum omnino præsidii ad textus quosvis feliciter rimandos dilucidandosque situm esse in scopi consideratione, ante omnia notamus in commate hoc nostro, Christi scopum esse statum Legis statumque Evangelii ita sibi opponere, ut ostendat majori jam sanctitate opus esse sub statu Evangelii quam antea sub statu Legali. Patet hoc ex coherentia

versus hujus 16:ti cum antecedentibus & consequentibus.

(a) Antecedentibus. Postquam Servator reatum bonorum usum parabola de Oecono<sup>m</sup>o iniquo docuisset eamque graviter applicuisset a vers. 9:no ad v. 13:um inclus. narrat Evangelista v. 14:to quomodo hæc excepta fuerint a Pharisæis, Peccati<sup>n</sup>iam amantibus (φιλαγνεος) scil. adunc<sup>o</sup> valde naso hæc dicta suspendebant, seu mordacissime & ita ridebant, ut signa irrisio<sup>n</sup>is in vultu & gestibus, apparerent: id nimirum valet verbum græcum οξειανησσο<sup>ν</sup> hic adhibitum. Nam CHristi loquela de administrandis divitiis videbatur ipsis admodum ridicula. Idque ob rationem præcipue illam, quam §. 1:a jam tetigimus, opinionem puta de bonis temporalibus signo favoris divini, unde non potuit non penes hos homines existere summas opes divitiasque corradendi cupiditas ac animi habitus talis, quo virtus post numos quærenda dicitur. Cum igitur CHristus divitibus svaderet, ut bonis suis recte uterentur, ea inprimis inter egenos distribuendo, nec divitias nimis amarent sed, ob metuendum inde DEUM amittendi periculum, abnegarent suoque modo contemnerent; mirum non erat, talia monita Pharisæis nimis absurdia visa fuisse. CHristus itaque illis ita respondet (1) versu 15:0 ut totam justitiam illorum legalem hypocriseos arguat, dum in gestibus quidem verbis ac operibus externis, ut homines sanctissimi, se gerant proque talibus se venditent (dico<sup>o</sup>les iay<sup>o</sup>)

*Ιες ινάμοις τῷ αὐθεώπων) sed DEUM nosse corda ipsorum, quod illis nihil veræ sanctimoniae insit. Simul autem hic occupat illorum tacitas cogitationes, quæ sine dubio huc redibant: Falli turpiter Nazarenum, qui de justitia illorum sinistrius judicet, cum tamen ob illam ab universo populo maximi fiant & pro justissimis habeantur, quibus cogitationibus opponuntur verba ultima: ἦτορ αὐθεώπων οὐψηλος, θδιλυγμα ινάμοις τῷ Θεῷ ιστο. (2:0) Ut versu 16:to concedat quidem, Legis Oeconomiam circa bona temporalia quoque multum huc usque occupatam fuisse; jam autem cum Johanne ac ejus prædicationis fine imprimis annunciari regnum DEI Spirituale, quod cum diversum valde sit a Theocratico-Civili illo, per legem Mosis introducto, eam ejus conditionem esse, ut qui ad illud adspirare velit, vi in illud trrumpere debeat h. e. ejus intuitu, in terrenis quibuscumque sfernendis & abnegandis, vim veteri suo homini inferre.*

**S**copum Domini Christi eo, quo §. praecedenti  
diximus, tendere confirmant porro (b) con-  
sequentia: Nam in iis (3:0) sic respondeat, ut oc-  
currat criminibus Pharisæorum, quasi ipse,  
taxando eorum justitiam secundum Legem, mi-  
nus reverenter, sentiat de Lege & Prophetis  
velitque illos penitus abrogatos: hoc enim consi-  
lio versu 17:0 docet impossibile omnino esse ut

vel tantillum legi derogetur. (4) Ita, ut v. 18:0 adjiciat exemplum illustrativum, quo doceat meliorem operum justitiam jam requiri, quam quidem huc usque sub *Lege & Prophetis*. Cum enim Lex permitteret divortium CHristus contra Legem ita explicat, ut dicat divortium ipsum esse adulterium. Notandum autem vel maxime est, quod & ante nos viri egregii observarunt, loqui eum de *Lege & Prophetis*, non quatenus nobis exhibent Spiritualia & ad perfectissimam sanctitatis divinæ normam, cui neque adimi neque addi quidquam debet, conscripti sunt: sed, pro captu Pharisaorum, *Legem & Prophetas* intelligere de Schemate illo Mosaico status legalis, quo Lex attemperata erat rebus humanis, ac per præmia temporalia eliciebat, per pœnas autem humanas extorquebat obedientiam externam viribus naturalibus præstandam adeoque Statum Theocratico-Civilem exhibebat. Tandem (5:0) responsionem suam claudit memorabili illa parabola de divite epulone & Lazaro a v. 19. ad fin. contra irrisiones Pharisaorum v. 14 docens quam nihil sit in affluentia rerum temporalium contra infelicem æternitatem præsidii, turpiterque errare illos, dum divitas singulare gratiæ divinæ signum interpretentur, quo legis observantia ornetur.

**S**copo Commatis nostri pro instituti ratione probato

bato addimus vocum in eo occurrentium expositionem. Quid ἡ οὐμός καὶ ἡ πρεφῆται hoc loco significant, jam indicavimus. Non posse autem Legem & Prophetas hic in alia acceptione sumi oppido patet. Nam si Lex & Prophetæ intelligerentur, prout ad spiritualia collineant & ea præscribunt, quæ sanctitatem divinam perfectissimam ceu normam agnoscunt, non dicendi essent usque ad Johannem, sed in omnem aeternitatem pertingere. Plane aliis utitur optimus Servator loquendi modis, cum vers. 17 & alibi de Lege agit, prout est typus divinæ justitiae ac sanctitatis. Et quid convenientius esse poterat, quam, cum Pharisei & Scribæ hasce voces nunquam non in animo & ore haberent eoque externam Legis & Prophetarum custodiam re ipsa innuerent, quæ & in se erat voluntati divinæ conformis & ad statutum tempus judæis per modum officiorum Civilium injuncta, quam ut Christus inquam, pro illorum sensu verba acciperet? Ius iwanou. Particulam ius nonunquam continuativam habere significationem, ut Joh. V: 17. ius aīlē recte observant Philologia. Hic tamen exclusive exponendam esse haud difficulter intelligitur. Quoniam enim Lex & Prophetæ hoc loco pro Schemate seu Oeconomia legali interpretandi sunt, ceu modo evicimus, hicce autem status sub Evangelio expirat, non potest non ius exclusive exponi & reddi: usque ad, ut sensus sit cum Johanne pristinam illam Oeconomiam finiri. Quod attinet ad formulam

an̄ m̄, per se patet eam non intelligendam esse  
 de initio præconii Johannæi, sed de ejus fine a-  
 deoque transferendam esse: *postea, deinceps.* Per  
 βασιλέα τὸν Θεόν notari novam illam DEI Oecono-  
 miam seu regimen fidelium sub Novum Testa-  
 mentum notissimum & omnibus sacras literas e-  
 volventibus. Reliquis prætermissis de verbo θεοῦ  
 τοῦ circa quod & maximus deprehenditur dissen-  
 sus, ad huc paucissimis notamus communem esse  
 sententiam quæ ei activam tribuat potestatem hoc  
 sensu, quod regnum cœlorum magno numero rece-  
 perit cives inque illud magna contentione irrum-  
 pere homines a Johannis potissimum tempore co-  
 nati fuerint. Huic autem explicationi in primis  
 obstat, quod scopum deserat. Quamvis autem in  
 eo convenient omnes fere, quod de hominum  
 violenta irruptione in regnum DEI omnino intel-  
 ligendum sit verbum hoc; qua modum tamen  
 & qualitatem irruptionis in diversas eunt partes.  
 Sic nonnulli hanc violentiam referunt ad natu-  
 ram fidei justificantis: Sed non videtur aliis hæc  
 expositio scopo satisfacere. Haud pauci vocem  
 nostram exponunt de illa violentia, qua usi cense-  
 ri possunt homines viliores publicani, scortatores,  
 omnisque gentilium multitudo, qui nullum jus  
 velut habentes vi regnum cœlorum arripuerint.  
 Sed ingenium illi magis produnt quam solidum  
 judicium. Multo minus audiendi sunt, qui per  
 βασιλέα, hunc intelligent persecutiones adversario-  
 rum & hostium, quibus regnum DEI seu fidelia  
 ejus

§ ) 9 ( §

ejus membra premunt. Certissimum enim est has  
persecutiones ab angeli infernalis cohorte non in-  
stitui eo consilio, ut regnum DEI ad se rapiant,  
ut est Matth. XI: v. 12. sed ut idem destruant.

§. V.

**Q**UOD si quis forte in eam incidat suspicionem,  
metuendum esse ne ex nostra explicatione  
noxia aliqua consectaria fluant ac in primis errori  
Pontificiorum, Armenianorum & aliorum non ni-  
hil auxiliū accedat, qui CHristum novum statuunt  
Legislatorem, nosque hoc vel simili modo urgeatis.  
Si major in Novo Testamento quam in Veteri  
exercenda venit Sanctitas CHristo jubente, seque-  
tur eum Novam dedisse Legem nec Legem Mo-  
ralem in Novo & Veteri Testamento unicam es-  
se sanctitatis normam, ei, ut metum omnem se-  
cure deponat, auctores sumus. Adsunt enim so-  
lida omnino responsionis momenta, quæ vano  
timori opponamus. I:mo A pluribus motivis,  
cum Philosophis loquimur, ad agendum secun-  
dum normam seu vitæ sanctæ in Novo Testa-  
mento quam Veteri, non valet Consequentia  
ad plures normas. Una Tibi norma est obe-  
diendi parentibus sive in Veteri sive in Novo vi-  
vas Testamento, nec hoc tamen impedit, quomodo  
quis tempore plures adsint caussæ moven-  
tes, ob quas parenti sapienti & virtutis amanti,  
quam secus se habentis, obtemperes Tibique ob

hoc ipsum & facilius sit plura præstare & graviori poena afficiaris, si officii immemor sis. 2:do Eadem erat Lex in utroque Testamento vetans polygamiam & divortium, & nihilominus ob du ritiem cordis utrumque permittebat Moses. Nec tamen hoc obstitit quominus utrinque fuga sub Novo foedere injungeretur. Vides igitur plura, quam antea, in nova Oeconomia postulari, non propterea multiplicata Lege. Suppeterent hujus generis alia & quidem haud paucā nec levis momenti. Sed mantum de tabula; ita enim jubet non res modo angusta domi, sed, quod præcipuum est, penuria temporis & urgentes operæ Typographicæ. Quocirca meditationibus, in se quidem pretiosis, auctoris tamen vitio limbe cillitatis testibus, hic cogimur facere

FINEM.

